



UNIVERSITETI I MJEKËSISË, TIRANË

WWW.UMED.EDU.AL



REPUBLIKA E SHQIPËRISË

UNIVERSITETI I MJEKËSISË, TIRANË

RREGULLORE MBI ORGANIZIMIN DHE FUNKSIONIMIN E KËSHILLIT TË BOTIMEVE UNIVERSITETI I MJEKËSISË, TIRANË

**Miratur me Vendimin e Senatit Akademik të Universitetit të Mjekësisë, Tiranë nr. 42,
datë 29.04.2022**

TIRANË 2022

Përpiluar në referim të Rregullores së Këshillit të Botimeve në UMT, miratur nga Senati Akademik i Universitetit të Mjekësisë, Tiranë më 26.11.2014.

RREGULLORE E KËSHILLIT TË BOTIMEVE, TË UNIVERSITETIT TË MJEKËSISË, TIRANË

Neni 1 Baza ligjore

1. Ligji nr. 80/2015 *“Për arsimin e lartë dhe kërkimin shkencor në institucionet e arsimit të lartë në Republikën e Shqipërisë”*;
2. Ligji nr. 8480, datë 27.05.1999 *“Për funksionimin e organeve kolegjiale të administratës shtetërore dhe enteve publike”*.
3. Statuti i Universitetit të Mjekësisë, Tiranë;
4. Rregullorja e Universitetit të Mjekësisë, Tiranë;
5. Aktet të tjera nënligjore që rregullojnë/normojnë botimet në institucionet publike të arsimit të lartë.

Neni 2 Qëllimi

1. Këshilli i Botimeve shkencore në Universitetin e Mjekësisë, Tiranë (UMT) është një organ kolegjial që propozohet nga rektori pas një procesi përzgjedhës të përshkruar në rregulloren e UMT-së dhe miratohet nga Senati Akademik i UMT-së.

Neni 3 Misioni

1. Të përcaktojë standardet dhe kriteret që duhet të përmbushin botimet akademike të UMT në mësimdhënie dhe aktivitet shkencor dhe përkatësisht:
 - a. Kriteret që duhet të përmbushin leksionet e shtypura të lëndëve, tekstet origjinale, tekstet e huaja të përkthyer dhe monografite.
 - b. Përcakton standardet dhe kriteret që duhet të përmbushin revistat shkencore dhe në përgjithësi i gjithë periodiku shkencor ku publikohen artikujt shkencor që pranohen si të tillë nga UMT-ja. Bashkëpunon me njësitë bazë (Departamentet), njësitë kryesore, komisionet e përhershme, këshillin e etikës, njësitë e sigurimit të brendshëm të cilësisë dhe Senatin Akademik të UMT-së për certifikimin e nivelit dhe cilësisë së botimeve shkencore.
 - c. Ndjek funksionimin e revistës/ave shkencore dhe periodikëve shkencor të UMT-së, përcakton kriteret që këto periodikë duhet të përmbushin, propozon këshillin editorial dhe shkencor të këtyre periodikëve dhe ndjek aktivitetin e tyre.

- d. Bashkëpunon me Këshillin e Etikës lidhur me respektimin e parimeve dhe rregullave të etikës dhe deontologjisë së botimeve shkencore.

Neni 4

Përbërja

1. Këshilli i Botimeve i UMT-së përbëhet nga 7 (shtatë) anëtarë, personel akademik me kohë të plotë të stafit akademik të kategorisë “Profesor”, nga të cilët minimumi 1 (një) anëtar të jetë nga Fakulteti i Mjekësisë, minimumi 1 (një) anëtar të jetë nga Fakulteti i Shkencave Mjekësore Teknike dhe minimumi 1 (një) anëtar të nga Fakulteti i Mjekësisë Dentare. Numri i anëtarëve me titullin “Profesor i Asociuar”, nuk mund të jetë më i madh se 2 (dy).
2. Përzgjedhja e anëtarëve propozohet nga Rektori i Universitetit të Mjekësisë, Tiranë pas një procesi përzgjedhës të përshkruar në rregulloren e UMT-së dhe miratohet nga Senati Akademik i UMT.
3. Mandati i anëtarëve është 4 (katër) vjeçar i rinovueshëm.
4. Këshilli i Botimeve zgjedh me votim Kryetarin dhe Zv. Kryetarin.
5. Pranë Këshillit të Botimeve dhe në mbështetje të tij funksionon sekretariati, i cili mban procesverbalet e mbledhjeve dhe arkivën e Këshillit të Botimeve. Në sekretariat bëjnë pjesë kryetari, zv.kryetari dhe një sekretar/e anëtar i Këshillit të Botimeve të UMT-së.

Neni 5

Funksionimi

1. Këshilli i Botimeve funksionon sipas rregullores së tij të brendshme të miratuar në Senatin Akademik. Ai përcakton standardet që duhet të përmbushin botimet akademike dhe shkencore në UMT, në procesin e mësimdhënies dhe aktivitetin kërkimor-shkencor.
2. Seancat e Këshillit të Botimeve nuk janë publike. Për çdo mbledhje mbahet një procesverbal i detajuar nga sekretariati i Këshillit të Botimeve, i cili në fund të mbledhjes firmoset nga të gjithë anëtarët e pranishëm.
3. Këshilli i Botimeve mblidhet sa herë të jetë e nevojshme, por si rregull jo më pak se 6 (gjashtë) herë në vit. Ai mblidhet me kërkesën e Kryetarit ose të zëvendësit të tij.
4. Mbledhja nuk mund të zhvillohet pa shumicën e thjeshtë të anëtarëve (50%+1).
5. Rendi i ditës i bëhet i ditur anëtarëve të paktën 1 (një) javë para mbledhjes.

Neni 6

Modalitetet e marrjes së vendimit

1. Konsensusi është parimi bazë i funksionimit të Këshillit të Botimeve në UMT.
2. Në rastet kur ai nuk arrihet, atëherë vendimet mund të merren vetëm me shumicën absolute të votave të anëtarëve të pranishëm (4 anëtarë).
3. Arkiva mbahet nga sekretariati i Këshillit të Botimeve të UMT-së.
4. Anëtarët e Këshillit të Botimeve duhet të ushtrojnë funksionin e tyre në shërbim të interesit publik dhe duhet të jenë të pavarur, të paanshëm dhe objektiv.

Neni 7

Detyrat e Kryetarit dhe Zv. Kryetarit

1. Ka të drejtë të thërrasë mbledhjen e Këshillit të Botimeve në UMT.
2. Përcakton rendin e ditës.
3. Organizon shqyrtimin e dosjeve.
4. Përfaqëson Këshillin e Botimeve të UMT-së pranë instancave universitare, autoriteteve publike dhe të tretëve.
5. Zv. Kryetari merr detyrat e Kryetarit në mungesë të tij.

Neni 8

Shpërblimi i anëtarëve të Këshillit të Botimeve

1. Shpërblimi i anëtarëve të Këshillit të Botimeve në UMT bëhet konform vendimeve përkatëse të organeve kolegjiale përkatëse/përgjegjëse.

Neni 9

Aprovimi dhe modifikimi i rregullores

1. Kjo Rregullore e Këshillit të Botimeve miratohet në mbledhjen e parë të Këshillit të Botimeve me 2/3 e votave të të gjithë anëtarëve.
2. Ajo mund të modifikohet me iniciativë të Kryetarit, Zv. Kryetarit, me kërkesën e 2/3 të anëtarëve të pranishëm të Këshillit të Botimeve apo dhe me kërkesë të organeve, autoriteteve apo personelit të Universitetit të Mjekësisë, Tiranë.

Neni 10

Shfuqizime

1. Me hyrjen në fuqi të kësaj rregulloreje, Rregullorja e Këshillit të Botimeve në UMT, miratuar nga Senati Akademik i Universitetit të Mjekësisë, Tiranë më 26.11.2014, shfuqizohet.

Neni 11
Hyrja në Fuqi

1. Kjo rregullore hyn në fuqi menjëherë pas miratimit nga Senati Akademik i Universitetit të Mjekësisë, Tiranë,

Miratuar nga Senati Akademik i Universitetit të Mjekësisë, Tiranë më datë 29.04.2022.

KRYETAR I SENATIT AKADEMIK

Prof. ARBEN GJATA

